

# Junge, Kunst!

## Heller Wumest

---

Mitem Pinsel bini zur Wält cho,  
Ha z Gjammer, z Gwinsel vor Wält vernoh,  
Ha d Scheisse gschlückt, närl use gchotzt  
Am Wäg zum Glück hani drum trotzt.  
Untergang und Todesgschrei  
Setze Inspiration frei,  
Drus cha öppis Schöns entstah.  
Luegs mal a! Luegs doch mal a!

Junge, das isch Kunst  
Zum drüberrede  
Junge, das isch Kunst  
Cha vill bewege

I bringe Farbe uf wiissi Bletter,  
I heile Narbe, bi doch ke Retter.  
Rüehrends Dänke zum Los vor Mönschheit  
Ine Rahme hänke, wo das Bild treit.  
Dr kreativ Chraftstoff besteit  
Zumne grosse Teil us Leid.  
Würd gärn jage, d Lösig preiche.  
Geit nid, derfür chanis zeichne

Junge, das isch Kunst  
Zum drüberrede  
Junge, das isch Kunst  
Cha vill bewege  
Junge, das isch Kunst  
Und gliich wird glitte  
Junge, das isch Kunst  
Chli Mitleid bitte